



БУЛГАН АЙМГИЙН ЗАСАГ ДАРГЫН ЗАХИРАМЖ

2022 оны 09 сарын 19 өдөр

Дугаар А/577

Булган сум

Ажлын хэсэг томилох тухай

Монгол Улсын засаг захиргаа, нутаг дэвсгэрийн нэгж түүний удирдлагын тухай хуулийн 60 дугаар зүйлийн 60.1.1, Байгаль орчныг хамгаалах тухай хуулийн 16 дугаар зүйлийн 16.2.1 дэх залт, Байгаль орчин, ногоон хөгжил, аялал жуулчлалын сайдын 2015 оны 12 дугаар сарын 16-ны өдрийн А/419 дүгээр тушаал, Байгаль орчин, аялал жуулчлалын сайдын 2019 оны 10 дугаар сарын 29-ны өдрийн А/618 дугаар тушаалыг тус тус үндэслэн ЗАХИРАМЖЛАХ нь:

1. Уул уурхайн төсөл хэрэгжүүлэгч аж ахуйн нэгжүүдийн олборлолтод өртсөн газрын нөхөн сэргээлтийг хүлээн авах, тухайн жилийн байгаль орчны менежментийн төлөвлөгөөний тайлан дүгнэх ажлын хэсгийг дараах бүрэлдэхүүнтэй томилсугай.

Дарга: Аймгийн Засаг даргын Тамгын газрын Хөгжлийн бодлого төлөвлөлт, хөрөнгө оруулалтын хэлтсийн дарга

Нарийн бичгийн дарга: Газар, газрын хэвлэлийн ашиглалт, хамгаалалт, тусгай хамгаалалттай газар нутаг, байгаль орчинд нөлөөлех байдлын үнэлгээ хариуцсан мэргэжилтэн

Гишүүд: Байгаль орчин, аялал жуулчлалын газрын дарга

Байгаль орчин, аялал жуулчлалын газрын Усны асуудал хариуцсан мэргэжилтэн

Мэргэжлийн хяналтын газрын Геологи, уул уурхайн хяналтын улсын байцаагч

Сав газрын захиргааны Ус ашиглагч хариуцсан мэргэжилтэн

Газрын харилцаа, барилга, хот байгуулалтын газрын мэргэжилтэн

Сумын Байгаль орчны хяналтын улсын байцаагч

Сумын Байгаль хамгаалагч

Нөлөөллийн бүс дэх иргэдийн төлөөлөл

2. Уул уурхайн үйлдвэрлэлийн үйл ажиллагаагаар эвдэрсэн газрын нөхөн сэргээлтийн стандарт, Эвдэрсэн газрыг ургамалжуулах стандартын шаардлагыг хангуулах, Байгаль орчны менежментийн төлөвлөгөөний хэрэгжилтийг дүгнэх холбогдох мэдээллийг аймгийн Засаг даргад танилцуулахыг ажлын хэсгийн даргад үүрэг болгосугай.

3. Энэхүү захирамж гарсантай холбогдуулан аймгийн Засаг даргын 2020 оны А/431, А/432 дугаар захирамжуудыг хүчингүйд тооцсугай.

ЗАСАГ ДАРГА

Б.АРИУН-ЭРДЭНЭ